

Къамулсса мавлудру хъуннав!

Лавгсса рабиоьл-аввал зуруй щаллагу дуняллий кунна, Дагъусттаннайгу дуллай бия мавлудру: мизитирттаву, клубирттаву, банкетру дайсса заллаву, бусурманнал къатраву.

Дагъусттаннай мавлудраву гьуртту къав-хъусса инсан къаливчѳхъунсар учин

бучѳир. Щархъавусса ккурчѳав мавлудру дурсса кѳанттугума хъуну бия. Вай мавлудирттал чѳалачѳи бувунни жулва агъалинал Аллагъ ﷻ ва Мухѳаммад Идавс ﷺ ххирану ушиву. Дагъусттаннал халкъуннал мудангу Идавсил ﷺ, мунал агъулданул, мунал варистурал, шайхтурал, аьлимтурал чулу-хуннай адав-хѳурмат бивкѳиву цѳанасса

заманнайгу тастгикъ буллай бур Макка-Мадиналивсса аьрбнал аьлимтуралгума. Умуд бур ва зуруй дуркѳусса мавлудирттал барачатрайну жулва республикалий дакъаву ва паракъатшиву хъунсар тѳисса. Гьарза хъуннав жулва къатраву барачат, тѳайласса ххуллия бякъайкъуну бачинсса тавпикъ Заннал ﷻ булуннав. Амин.

Ва номерданий :



Чаклин иссаву ва мунил суннатру



Убратусса Дибирхъал Асадулагъ



Жижара лайкъну бувара!



Зурул хѳасил

Мухѳаммад Идавс ﷺ увсса зуруй диндалул зузалтрал, имамтурал даву хъиннура чѳяру шай, цанчирча, гьарца къини дуклай бунутѳий мавлудру. Гьашинусса рабиоьл-аввал барз цукун лавгсарив жу цѳуххаву дуварду Лакрал райондалул ва Новостройрал имамтурахъ.

Мухѳаммад-хѳажи Саламов, Лакрал райондалул имам:
– Гьарца шинал кунма, гьашинугу жу занай буссияв щархъавух мавлудру дуллай, диндалиа буслай. Къунния кѳира-шанна шяраву мавлудру дан бювхъунни. Имам усса кѳанай мизитраву, акъасса кѳанай къатѳув,



ккурчѳав дуварду. Имамтал бусса щархъаву хъинну бигъану бия мавлудру дан, жамят батѳин. Имам акъасса кѳанттайгу агъали хъинну диндалух, мавлудирттах мякъну бушиву чѳалай бия, исламрал хѳакъираву чѳявусса суаллу буллай бия. Циняв ххарину, барчаллагърай, хъинну рязину бия. Чѳявусса аьлимтурал, хаснува, шайх Жалалуттин Суьтѳинал увкуну бур, ва зуруй чув-бунугу шяраву, мизитраву, махѳлалий, къатлугу дакѳнихтуну мавлуд дуккирча, Аллагъу Тааьлал миннаяту шинайсса бала-апатѳи

арх байссар, барачатшиву ликкан дайссар, къурагъшивруя, цѳараяту, цуркляту буруччѳайссар, инсантурал дакѳурдива хѳусудшиву дуккан дайссар, чѳярусса хъиншивуртту дияйссар тѳий. Жул агъаммур ниятгу дуссия ми хъиншивуртту жула лакрал жамятралгу чѳарахъ къадукканшиврул, мавлудрал барачат циняв щархъавун биян бан. Гьарца шяраву жамятирттащѳал хъинну ххуйсса хъунабакъавуртту хъунни. Мизитирттаву мавлудру дуккайсса щархъаву барачат гьарза хъанай бушиву чѳалайгу бур. Инсантурал лажинтрай имандалул нур загьир хъанай дур.

Махлчкъалаливсса Хъун мизитравусса мавлуд

Январь зурул ацния 13-нний маркчлан чаклил хъирив Махлчкъалаливсса Хъун мизитраву хъунни ххирасса Мухаммад Идавс ﷺ дуняллийн увксса кьини хъун даврин хас дурсса мавлуд. Ва барачатсса мажлисрай гурттушинна дурну, цала дакIурдивуса Идавсийчлансса ﷺ ччаву загъир дан бувкIсса цинявпагу бусурманнан мизитраву кIану биял хъанай бакъая. Гъашину ва мавлудрайн бувкIун бия ца Махлчкъалалия бакъасса, щалвагу республикалиясса агъали.

Мавлудраву гуртту хъунни Дагъусттаннал муфтий АхIмад-хIажи Афанди (къ.с.), Дагъусттаннал президент Рамазан Абдуллатипов, хIукуматрал къулгъчитал, диндалул аьлимтал ва м.ц.

Мажлис тIитIлай муфтийнал хъхъичIа-хъхъичI циняв бавтIмий барча бувунни Мухаммад ﷺ Идавс дуняллийн увксса кьинилушал. АхIмад-хIажи оьвтIий ия цинявннайн шукру буван: «Шукру бан аьркинссар Идавс ﷺ ххирану, хъун аймину, мунал суннатрал хъирив нанимину, мунал оьрмулия бусласимину жува Аллагьнал ﷻ ляхъан бувнутIий» - увкуна шайхнал. Мукуна, дакIнин бувтуна совет заманнай бусурман цукунсса захIматшивруву бивкIсарив, миннал цукунсса зулму бувхъуссарив. Цанасса заманнаву дин дуван бигъашиврул кьимат буван аьркиншиву баян бувуна.

Цалва чулуха президентналгу барча бувуна циняв дагъусттаннал аглу мубараксса рабиюль-аввал зурушал. «Щалвагу Дагъусттаннайн Идавсил ﷺ

нур нясив хъун даннав Аллагьнал ﷻ. Щана жулва республикалий бигъасса замана бакъар, амма чанчанну жулва ялув баргъ гъаз хъанай бур. Мухаммад Идавсил ﷺ ххуллийх бачирча, жува чара бакъа Дагъусттан марцI буккан бувну, хъхъичIава бивкIсса куццуйсса хъун бантIиссар. Оьрмулуву ххуймур чул лавай хъунтIиссар, бунагъмур къабивтун, хъинмунийн кIура баярча. На барчаллагъ учин ччай ура мудан ттун кумаг буллалисса диндалул зузалтрахъ. Аллагьнал ﷻ кумаг бакъахъурча цичIав дуллалимур бакIрайн дуккан дан къашайссар», – увкуна Рамазан Абдуллатиповул.

Мажлисрай вязарду бувуна цаймигу машгъурсса Дагъусттаннал аьлимтурал. Мавлудру дурккуна цаннаяр цаннал ххуйсса чIурду бусса жагъилтурал.



Сайфуллагъ-къадинал (къ.с.) цIанийсса мизитраву



Рабиюль-аввал зуруй Махлчкъалаливсса Сайфуллагъ-Къадинал цIанийсса мизитраву хъунни хъаннил мавлуд.

Шикку гурттушинна дурунни шагърулий ялапар хъанхъисса лакку хъаннил. ЧIявумий бувкIун бия цалва мюрщисса оьрчIащал. Минналгу дурккуна цанна дакIних лархъхъусса диндалул назмурду ва мавлудру. Бия хIадур бувну мюрщиминнансса Исламраясса конкурсгу. Конкурсрал суаллахъхъун тIайлану жавабру дуллуминнал дуллай бия бахшишру.

Мухаммад Идавс ﷺ увсса зурул цалчинсса кьини Сайфуллагъ-Къадинал (къ.с.) цIанийсса мизитраву хъунни лакрал агъали бавтIсса мажлис.

БувкIун бия циняв лакрал шархъавасса имамталгу. Шикку махъру лавхъунни ва мизитрал имам Муршиев Мухаммад-хIажинал, Дагъусттаннал муфтийнал кумагчитал Давуд-хIажи Тумалаевул ва Мухаммадрасул-хIажи МахIадовул, Лакрал райондалул имам Саламов Мухаммад-хIажинал, Ккуллал райондалул имам Къурбанов Сиражуттин-хIажинал ва цаймигу диндалул зузалтрал. Хъинну исвагъисса чIуний мавлудру ккалай бия цинявпагу лакран ххира хъусса «Кази-Кумух» тIисса группа.



Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД
Ахмад-хаджи АБДУЛАЕВ
заместитель муфтия РД
Махди-хаджи МУТАИЛОВ

Главный редактор

Заурбек (Абдулла) ЯИКБАЕВ

Редактор

Шамиль ОМАРИЕВ

Заместитель редактора

Иса ОМАРОВ

Канонический редактор

Давуд-хаджи ТУМАЛАЕВ

Менеджер

Абдусабир АХМЕДОВ

Дизайн, вёрстка

Мухаммад МУСАЕВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации
ПИ № ФС 77-37006 от 29 июля 2009 г.

При перепечатке ссылка обязательна.

Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20

Заказ №

Тираж 1200 экз.

Сдано в печать 31 января 2013 г. в 17:00

Индекс 51388

Адрес редакции

367015, РД, г. Махачкала,
ул. Аскерханова 13а.

Тел.: (8722) 51-85-22.

По вопросам подписки и доставки обращаться по телефону: 914-222, 8-988-291-42-22.

E-mail: assalamlak@mail.ru
www.assalam.ru

Мавлудру лакрал жамятраву

Лакрал райондалул имам Мухаммад-хлужи Саламовлул хларачатрайну гъашину Лаккуйсса гъарца шяраву мавлудру дурккуссар.

Лаккуйсса имамтурал ниат дурну дия мавлудрал барачат биян къабувсса царагу шярвалу лях къариртун, хъуннасса диклу, чйирисса диклу, гъарца шярвун биян. Ми мажлису ккаккан ччиманаща бюхъантиссар «youtube» сайтравусса Гъумучиял диндалул телевидениелул «Тв Казу Кумух» ва «TVKazikumuh» тлссса каналайн бувххун ххал дан. Му бакъассагу, вай каналай дур чйарусса роликру,

лакку биялатрал тарихрая, лакрал агъалиная ва жула диндалия лакку мазрай буслалисса. Январь зурул 22-нний Хасавюрт шагърулий хъунни Мухаммад Идавс ﷺ увсса рабиоль-аввал зурун хас дурсса лакрал жамятрал мавлуд. Гиккун бавтлун бия ттуршахъул инсан. Хъинну асар хъунсса чйуний лакку мазрай мавлудру ккалай бия «Казу-Кумух» тлссса группа. Мавлудрай хъунисса инсантурал махъру лавхъунни. Цинявшагу бавтлминнал ттиния мукъахгу укунсса мажлису буллалсса мурад загъир бувунни. Ва зуруй лакрал мавлуд хъунни жула хлукуматрал

хъун шагърулийгу. Микку гъуртту хъунни Москвалив ва областърай ялапар хъанахъисса лак, Дагъусттанная бувкссса алимтал, мавлудру дуккайсса группарду – цинугу ттуршуннийн бивсса агъали. Мажлисрай буслай бия лакрал миллатраву хъанахъисса диндалул иширттая, буллай бия вягъарду, буслай бия Идавсил ﷺ оърмулия. Москваливсса лакрал хладур дурну дия хъинну ххуйсса хъамалушинна, цившагу укунсса мажлисрая хъинну рязину бушиву бувсуна. Аллагънал ﷻ цйимилийну гъарцаннан дак! даркъусса мавлуд хъунни. Аллагънал ﷻ къамул даннав!



Клундв



Ххюлусмав



Къубиял шярву



Москвалив



Мавлуд ккалаккисса мутааълимтал



Хасавюрт шагърулий



Давуд-хлужи Тумалаев Мурманск шагърулийсса лаккучуначйа мавлудрай



Къубав



Хъуриг



Мавлудрайн дукра дуллалисса лакку хъами



Гъазу-Гъумук Ханнал мизитраву



Ккурклив

Идавсил ۞ хьхьичІсса бурж

Аллагънал ۞ цїмилийн жува буру бусурманталну ляхъуну. Му куццуй Аллагънал ۞ цїми къабивхъуну, жучІана Идавс ۞ гъан увну акъассания жува ца бикІантІий биявав? Жулва къимат ци бикІантІиссия мунал жучІанна дингу шариаьтгу диян къадурссания?

Ххирасса Къуръандалу увкуну бур (мяъна): «Аллагънал ۞ муъминтурай цїми бивхъуссар, Аллагънал ۞ калам гайннахъ ккалаккисса, гай марці буллалисса, гайннан Къуръангу хІикматгу лахъхьин буллалисса, гайннава цаватувацца Идавс ۞ тІайла увккун». Идавсил ۞ цайва ялувсса цинявпагу хІакъгу биттур бувссар. Мунал биттур бувссар Аллагънал ۞ хІакъ, Къуръандалу хІакъ, умматрал хІакъ. Мунал жучІанна ислам диян дурссар, чак бан, зума дугъан лахъхьин бувссар, хІаж-оьмра байсса куц ккаккан бувссар, нитти-бутта бан аьркинсса хІурмат, гъан-маччаминнал адаб лахъхьин дурссар. Цавагу амру ляхъ къакъабивтун, гъарзад жунма баян бувссар, му бакъассагу ахиратлува шафаьт-кумаг бан махъгу буллуссар.

Жунмагу чара бакъа аьркинссар вихну бикІан МухІаммад ۞ махъа-махъма Идавс ушиву, цанчирча, Идавсин ۞ инкар баву – чапуршиврул лишанни. Къуръандалу увкуну бур (мяъна): «Зу Аллагънайн ۞ иман дишара ва Аллагънал ۞ илчи МухІаммадлуйн ва Аллагънал ۞ гъан бувсса Къуръандалийн». Бусурманчув Идавсийн ۞ вихну, му ххирану ушиврул лишан – мунал ккаккан бувсса ххуллийх ачавури. Шцил бунугу учирча, ттун МухІаммад Идавс ۞ ххирар куну, амма мунал лахъхьин бувмур буллай акъахъурча, мунал мабара кумур буллай ухъурча, мунал суннатрал ххуллу къабитарча, му инсан шьялмахъчири. Бусурманчувнал цукунчІавсса ихтияр дакъассар Идавс ۞ къаххирану икІан, цанчирча, Идавс ۞ хъанай ур жува бусурманну ляхъаврил, дуржагърал цІарая ххассал шаврил, ва мукунма дуняллий ва ахиратраву талихІрайн буккавил сававну. Гъарца бусурманчувнал Идавсил ۞ хьхьичІсса буржри Ислам машгъур давриву пацава бюхъайсса хІарачат бан. Идавсил ۞ хІадисравугу увкуну бур: «Зу ттул чулухасса ца аят бунугу баян бувара» - куну. Ва амру цукун биттур бантІиссар куну цІуххирча, адиминал цалва кулпатраву, аьлимчувнал цалва жамятраву, чичин бюхъайманал лу чивчуну, бюхъайманал интернетраву, каши думанал арцуйну дин гъаз дан хІарачат бан аьркинссар. Аллагънал ۞ жува хъун баннав Идавс ۞ ххираминнавух, ва мунал ххуллу бувгуну, талихІрайн бувкминнавух. Амин.

isaassalam@gmail.com

Саид-Афандинаха (къ.с.)

Жул рухІирал бутта Саид-Афанди Увцунни Аллагънал Алжан абурбан. Шукру чанну барду элмулул хьхьирийн Диривинни вин макъам яла ххирамур.

Алжаннул агълулул ххирасса буттай, Ций дур вай жул дакІру ина захІмат хъун. КИрисса мукъалгу яру шювшуну Гъан бан къахъанайсса хІал бивуну бур.

Бусан захІмат хъанай дакІ цІуцІаврия Къабиллай бур шану ина ххираннан. Ваксса вийн ччавугу дикІан къаххива Вила мюридтуран, ххирасса муршид.

Экъи найсса мукъал яру бувцІуну ЗурзутІи кІиссуртгах чІюнугу бичлай. Куннайн ку жижара буллай буру жу Цахъисрагу дакІру бигъа хъуншиврул.

Къанкъасса араммат аьтІисса къини, ВахІшисса, къадарсса хъунмасса балагъ. Балагъ бивуну бур, диннул уссурвал, Бухну бацІи тІисса васиятту бур.

Агъ ччивакъай ттигу цал ина ккаккан, Вил кІукІлусса канийн ппай учин ччива. Канийн ппайгу куну вицІунгу лачІун, Вих вичІигу дирхъун аьмалгу буван.

Буси жуя ссалам жула Идавсихъ ۞, Ххирасса, камилсса АсхІабтурахъгу.

Яла буси ссалам шагъидтурахъгу, Диннул хулийсса Алжан биривнахъ.

Буси жугу бушив хъинну пашманну, Ялугълай бушиву Магъди укканнин. Пайда бакъа Дуньял цурда къадиртун Зушчал ккаккан ччисса хъулданий буру.

Тти бувчІуну бур жун, ххирасса буттай, Ва миссалланулгу куртІшиврулмяъна. Цал ина жухъ увксса, жулахъунама, Цахъуна инсаннал вихъ чІа увксса.

Чани лаглай бурча дуаь дувакъай, Ина жаваб дарча дуаь дуванна. Амма чани бувкІний циккаккавивав, Ккаккансса ххуйшиву дирчІуну дакъар.

БучІарчагу чани ссан аьркинссар жун Ваксса жунххирасса ина къачІалай. Аллагънал къадаргу къамул буванну Ссабургу дуванну жун захІматугу.

Вил камилсса сифат, яла вил макъам, Вил гъайбатсса пиш ва нахІусса хавар. Вил абурсса чІукІа, уздансса калам ЛичІанссар даимгу жул дакІурдиву.

Ялтту учІу, буттай, ина жуяту, Жу риртун къадурсса адабраяту. ЧІа уча Аллагънахъ жуй цїмибаву, Жуй рахІмугу бувну ялтту учІаву.

Сайфуллагъ-Къадиннаха (къ.с.)

Ххари хъира, уссурвал, агълу-тассавуфайрин, Иьтикьад къанкъа дара, биривнини жунма давлат. Шукру Аллагънайн бара Сайфуллагъ-Къадиннахлу, КъутІбанийт хІакъ бара ризкъину жун буллусса.

Барча винни, Сайфуллагъ, дан диту абур къутІбуй, Къудратиял Залугу макІра вина ккаккума. ХІакъирайн инкар бувмий вил чІунаьрхІал аьлимтал Аьрасалийн лавхъуний ци тІий гъалгъа тІувивав.

Барча винни, Сайфуллагъ, дан диту абур къутІбуй, Умматрал саййиднашл ина хъуна авкъума. Вин ухІалну бавцІуну дуньял риртун лавгумий Идавсин хъуна бавкъний мий цукун бикІавивав.

Барча винни, Сайфуллагъ, дан диту абур къутІбуй, Мукъагу халифнашл ина хъуна авкъума. Вил тІарикъат дачин дан хІасадрал къабивтумий ХІсаб дувайсса къини гъалмахчу цу авивав.

Вил къимат кІул къавхъумий къадарданийн бивунни, Пашман хъунссар ва ттул дакІ шалва умматирахлу. Къинирду дяъвай ларгун къачулин кІурабавмий Аьркин хъуну бучІанссар жагъил-аьлимтурачІан.

Элмулийн ттиликІ руртун оьванма ливчІуминнай Цїми Аллагънал бивхъун, алжаннуну бухханнав. Хъунимий ливтІуцири умматрал къамютІиймий Аьфву РахІманнал бувну, рахІматирайн будиннав.

Зурул хІасил

1 « Вания мукъаху, гъарца шинал жамятру цацІун хъуну, бюхъаймий шагъуррдаятугу бувкІун, ххуйсса мажлису буллансса ният дур. Мунил жулва Лакку билатрай барачат шиная шинайн гуж хъанахъи бантІиссар. Лаккуйн бара-чатшиву кІура даян давриву, цал-чинсса кІану бугълагъиссар мавлуду дуккавил. Му жува цинявннал хъинну къулагъас дан аьркинсса ишри, цанчирча, Аллагъу Тааьлал шалва аьлам, дунял Цана яла



Читтурдал шяраву мавлудрайн бувкІсса оьрчІру

ххирама МухІаммад Идавсихлу ۞ ляхъан дурну духъувкун, му жувагу ххира уллан икІайхтту, Аллагънал ۞ жуйвагу барачат бишайссар. Цамур сававрах луглан аьркиншиву дакъассар. Баччи бакъашиву къадурну, рабиоьл-аввал зуруй мавлуду дуларча, жуйнна чІярусса хъиншивуртту ликкантІиссар. Гъарцаннал дурсса мавлудругу садакъартугу къамулсса хъуннав, барачат бишиннав Ва барз лавгун махъ жучІара ванил барачатшиву личІаннав! Амин.

ХІасан-хІажи МухІаммадов, Новостройрал имам:

– Жул агъаммур ният дуссия Новостройрайсса циняр шархъаву жамятрал мавлуду дуван. Бюхъавай мизитиртаву дуван хІарачат буварду, мизит бакъасса кІанттай агъалинал къатраву дуккарду. Дуван бюхъунни хасну хъаннинсса мавлудругу. Ми дан кумаг бувунни МахІачкъалаливсса Сайфуллагъ-Къадинал цІанийсса мизитрал зузалтрал. Миннангу хъунмасса барчал-



лагъри. Бабаюртулал райондалийсса цаппара лакрал къутаннайгу мавлудрал мажлису буван хъунни, хаснува Къубиял, Буршиял ва ГъунчІукъатІрал къутаннай. Микку хІадуршинна дурминнахъгу барчаллагъ учин ччай ура. Жулва лакрал агъали шиная шинайн диндалул чулухунмай кІура баллай чІалай бур. Аллагънал ۞ жулла дакІурдиву иман ва ИдавсийчІанса ۞ ччаву цІакъ даннав!

Чаклин иссаву ва мунил суннату

Чаклин биссаврил шарту

1. Марцисса, иссаврин ишла дан бучисса щин душиву;
2. Шюшин аьркинсса базурдайн щин диян даву;
3. Шюшлашисса базурдай нажасьса ягу марцисса щинал ранг, тин, кьанкь даххана дайсса зад кьадиклаву.
4. Шюшлашисса базурдай щин бурчуйн лаян кьадитайсса зад кьадиклаву (масала, клей, лак, сир ва м.ц.)

Чаклин ислай айивхьукун хьинссар:

- Кьиблалул чулинай ктура авну щяиклайссар;
 - Гунгуми ишла буллай бухьурча, му куямур чулух бишайссар, ччанну шюшлашисса чумал урча чулух бишайссар;
 - Щинал ца литралуяр ххишала ишла кьадаву;
 - Шамилла барткару шюшайссар.
- Цалчин шюшайни «Истиаьза» ва «Бас-мала» буккайссар:

أَعُوذُ بِاللَّهِ مِنَ الشَّيْطَانِ الرَّجِيمِ
بِسْمِ اللَّهِ الرَّحْمَنِ الرَّحِيمِ

«Аоьзу биллаги мина-ш-шайтани-р-ражим» («На Аллагьнахь чла тий ура уруччаву нааьналувусса щяйтланнуя ва мунил заралунния»)

«Бисми-Ллагь-р-рахлмани-р-рахлим». («Ва дунияллий цинявннай рахму байсса, ахиратраву так иман думиннай рахму байсса Аллагьнал щяйтланнуя айихьлай ура»).

Дувайссар ният: «На ният дував чаклин иссаврил суннату биттур бан Аллагьнахлуну».

Килчин кару шюшайни дуккайссар шагьадат ва куццуй:

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ

«Ашгьаду алля иляга илляллагу вахдагу ля шарика лягу, ва ашгьаду анна Мухаммадан абдугу ва расулюгу».

Шамилчин барткару шюшайни ва дуаь дуккайссар:

الْحَمْدُ لِلَّهِ الَّذِي جَعَلَ الْمَاءَ طَهْرًا الْحَمْدُ لِلَّهِ عَلَى الْإِسْلَامِ وَنِعْمَتِهِ

«Аль-хамду лилляги-лязи жааьляль-маа тлагура. Альхамду лилляги аьляль ислями ва ниьматигь» (Аллагьнайн щукру щин марци даймурну дурсса. Аллагьнайн щукру Ислам-рахлу ва неьматирттахлу).

- Ккарччайх сивак дуккайссар шамилла, цал мазрайх ва цал ххинилийх. Яла учайссар:

اللَّهُمَّ بَيِّضْ بِهِ أَسْنَانِي وَشَدِّ بِهِ لِسَانِي وَبَثِّ بِهِ لِسَانِي وَبَارِكْ لِي فِيهِ يَا أَرْحَمَ الرَّاحِمِينَ

«Аллагьумма баййиз бигь аснани ва шудда бигь лясати ва саббит бигь лягьати ва барикли фигь я архлама ррахлимин».

(Я Аллагь, ва сивакрайну ттул ккарччив кяла дува, ххинчурду цлакь дува, ххини кьянкь дува).

- Шан-шамилва кьац ва май вилагайссар.

Урчамур каних кьацливун щин ласайссар, куямуних оьнх увкуну май марци байссар.

Цалчин май ва кьац вилагайни шагьадат дутайссар.

Килчин кьац вилагайни ва дуаь дуккайссар:

اللَّهُمَّ أَعْطِنِي عَلَى دَوَامِ ذِكْرِكَ وَشُكْرِكَ وَحُسْنِ عِبَادَتِكَ

«Аллагьумма аинни аьля давами зикри-

ка ва щукрика ва хлусни эбадатик». (Я Аллагь, ттун кумаг бува мудан Ина килци лаглан, Вин щукрулий иклан ва ххуйсса куццуй эбадат дуллан) Килчин май вилагайни дуккайссар

اللَّهُمَّ ارْحِنِي رَائِحَةَ الْجَنَّةِ اللَّهُمَّ إِنِّي أَسْأَلُكَ الْعَفْوَ وَالْعَافِيَةَ فِي الدَّارَيْنِ

«Аллагьумма арихни раихлаталь жаннагь. Аллагьумма инни аьсанюкаль аьфва валь аьфията фи ддарайни».

(Я Аллагь, ттун Алжаннул кьанкьру ришун дува. Я Аллагь, на Вихь чла тий ура ттуйва аьфву баву дунияллий ва ахиратраву.)

Шамилчин май ва кьац вилагайни истигьфар дайссар «Астагьфируллагь» куну.



Чири буманал мугу шюшаву хьинссар лувату лавай кхиссуртта чларарду личи дуллай.

- Шамилла лажин шюшайссар:

Цалчин ният дайссар: «На ният дував Аллагьнахлуну чаклин иссаврил фаризартту тлайла буккан бан» - куну. Ниятту дайссар лажин шюшлай айивхьукун.

Килчин дутайссар шагьадат. Шамилчин учайссар:

اللَّهُمَّ بَيِّضْ وَجْهِي بِنُورِكَ يَوْمَ تَبْيَضُّ وَجُوهُ أَوْلِيَائِكَ وَلَا تَسْوَدْ وَجْهِي بِظُلْمَاتِكَ يَوْمَ تَسْوَدُ وَجُوهُ أَعْدَائِكَ

«Аллагьумма баййиз важги бинурика явма табьяззу вужугу авляика ва ля тусавидду вужугу аьдаика».

«Я Аллагь! Ттул лажин чанна лахьан дува Вила нурданайну Винма ххираминнал лажинтру чанна лархьсса кьини, ттул лажин лухи мадував Вила цланнайну Вил душмантурал лажинтру лухи ларгсса кьини».

Бувчин баву:

Лажин шюшайсса чумал щин диян дан аьркинссар яруннал муццурдайн, майрал лув, ссилсилттайн, чирттарайн, иттацанттайн, итгалахьинттайн, лунттубакрайн, лувмур мурччул лув. Лажин дакьасса, муниаргу хьунмасса клану шювшуну хьинссар. Ялату айивхьуну ялавай шюшавугу хьинссар.

- Сьорхьругу хлалану кару шюшайссар.

Цал шамилла урчамур ка, яла шамилла куямур ка. Урчамур ка шюшайний цал дутайссар шагьадат.

Килчин ва дуаь дуккайссар:

اللَّهُمَّ أَعْطِنِي كِتَابِي بِيَمِينِي وَحَسَابِي حِسَابًا يَسِيرًا

«Аллагьумма аьтнини китаби биямини ва хласибни хласабан ясира».

(«Я Аллагь! Ттун ттул чичурду дусса таптарду Кьямасса кьини урчамур

чулуха була, ттун хисабугу бигьа дува»).

Шамилчин шюшайни «Астагьфируллагь» учайссар 3-ва.

Куямур ка шюшайни цалчин шагьадат дутайссар. Килчин ва дуаь дуккайссар:

اللَّهُمَّ لَا تُعْطِنِي كِتَابِي بِشِمَالِي وَلَا مِنْ وَّرَاءِ ظَهْرِي

«Аллагьумма ля тугьтини китаби бишмали ва ля мин вараи загьри». («Я Аллагь! Ттул таптарду куямур чулуха ягу бурхал махьа мабулав!») Шамилчин шюшайни «Астагьфируллагь» учайссар 3-ва.

Кхиссурайн бияннин кхиссурттал дянних куямур канил бетла-кхисса буккан бавугу хьинссар. Цал шюшайссар шамилва урчамур ччан яла шамилва куямур.

Цалчин ччанну шюшайни шагьадат дутайссар, килчин ва дуаь дуккайссар:

اللَّهُمَّ ثَبِّتْ قَدَمِي عَلَى الصِّرَاطِ يَوْمَ تَزُلُّ فِيهِ الْأَقْدَامُ

«Аллагьумма саббит кьадамайя аьляссирати явма тазиллю фигиль-акь-дам». («Я Аллагь! Ттул ччанну цлакь була Ссиратрал ламуй ччанну чхек биклайсса кьини»).

Яла шамилва «Астагьфируллагь» учайссар.

- Чаклин иссаву кьуртал дурну махь хьинссар:

- чансса щин хлачаву, лялату яларайсса янналийн марцисса щинал чентуру бичаву, каругу хьхьичун дургьуну, ссавруннайну урувгун, шамилла ва дуаь дуккаву:

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ

اللَّهُمَّ اجْعَلْنِي مِنَ التَّوَّابِينَ وَاجْعَلْنِي مِنَ الْمُتَطَهِّرِينَ وَاجْعَلْنِي مِنْ عِبَادِكَ الصَّالِحِينَ

سُبْحَانَكَ اللَّهُمَّ وَبِحَمْدِكَ أَشْهَدُ أَنْ لَا إِلَهَ إِلَّا أَنْتَ أَسْتَغْفِرُكَ وَأَتُوبُ إِلَيْكَ وَصَلَّى

اللَّهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ

«Ашгьаду алля иляга илляллагу вахдагу ля шарика лягу, ва ашгьаду анна Мухаммадан абдугу ва расулюгу. Аллагьумма-жаьльни миналь-мутатлагуьгирина, важьяльни мин эбадика-с-салихлина, субхланак-Ллагьумма ва бихламдика, ашгьаду алля иляга иля анта, астагьфирука ва атубу иляйка, ва салляллагу аьля саййидина Мухаммадив-ва аьля алигьы ва сахбигьы ва саллям».

Таржума: «На дакнихитуну вихну мазрах барашинна дуллай ура, цаха эбадат дан лайкьсса цама зал акьашиву Ца Цувалусса Аллагь акьасса, мунал кумагчигу (шарийк) акьассар. На мукунна барашинна дуллай ура хлакьну Мухаммад Аллагьнал лагь ва Идавс ушиву. Я Аллагь! На бунагьиртгая тавба дайману хьун ува, марцишиву дурччайману хьун ува, Вихра эбадат дуллалисса лайкьсса лагьартуннава хьун ува. Ина циняв диялдакьаши-вуртгая марцимара, Вийнни щукругу.

На барашинна дуллай ура Ина акьасса цама зал акьашиву. На вихь аьфву баву чла тий ура, Вил хьхьичи тавба дуллай ура. Салат ва ссалам хьуннав жул сайиднай Мухаммадлуин ва мунал агьулданайн ва асхлартурайн.

- Яла шамилва сура «Аль-Кьадр» («Инна анзальнагь») бувккуну хьинссар.

- Чаклин биссаву дуллалисса чумал шюшайсса базурду чара бакьа ялув килци лавгсса низамрай, куннил хьирив ку шюшин аьркинссар.

Дагьусттаннал Бусурманнал

Диндалул Идара

Жижара лайкъну бувара!

Ххирасса имамтал, хИурмат бусса жамятру! Ас-саламу аьлайкум ва рахИматуллагъи ва баракатугъ! Жунма кIулли жижара баву – «таъ-зият» – му МухИаммад Идавсил ﷺ суннат бушиву. Суннатгу учайссар гьарца ишираву Идавсил ﷺ хьирив бачаву, гьарца даймур мунал ккаккан бувсса куццуй даву. Бачияра пикри баннуча, хIакьину жува буллалисса таъзият Идавсил ﷺ буллай ивкIмуниха лавхъхьусса бурив?

Цанасса заманнай диндалул аьлимтуран хIисав хъанай бур бивкIу хьусса кIанайн бавтIсса арамтурал ва хъаннил итабакълакьисса чIявусса гьалатIру, бунагъсса тIулли. Масала, ивкIумагу хъама ивтун, арамтал ба-чай аьркин бакъасса хаварду буслай, цайминная гьалгъа тIий, бутъан-гьибатру буллай, ягу дунияллул, политикалул хаварду буслай. БивкIу хьусса къатлул заллухъруннан кумаг ва бигъашиву дансса кIанай миннал хьиннура захIматшиву, къурчIишиву дуллай бур, цанчирча, ккурчIав кунма бавтIун щябивкIсса инсантал къамул бан, дукралухун буххан бан багълай бунутIий.

Вай дакъассагу, хъаннимур чулу-хунмайгу бур чIявусса къулагъас дан аьркинсса кIанттурду: хьинну-ра лахъсса, лайкъ бакъасса махъру ишла буллалисса аьтаврду, бусур-ман хъаннин лайкъ дакъасса янналу-вух чил арамтурал хъхьичIун букка-ву, куннан ку махIрамтал бакъасса арамтал ва хъами хъямала багълай,

карду дугълай жижара баву, арамтал архIал бакъа хъами архсса сапардай буккаву.

Вай циняв ишру ласурча, загьир хъанай бур жижара баврихсса чирилуяр буллалисса бунагърал зарал чIяву хъанай бур. Жижара баврил мягна – ивкIуманал гъанминнан ссавур-даний бикIан кумаг бавури. Муни-яту, жижаралул махъру учайхту, му биттур баврин ккаллиссар, чув, та, цукун учирчагу, масала, телефон-далувух, цаманайхчIин, чагъар ягу СМС чивчуну, телеграмма риршуну ва м.ц.

Цайми суннатру кунма, таъзият бавугу хьинну агъамсса задри, амма мунияргу агъамсса суннатру ягу чара бакъа бан аьркинса фарзру къабитаву, ягу жижара баву фарзну ккалли баву къатIайлассар. Жижара баврил цIаний инсаннал ялувсса буржру къабитан ягу бунагъ бан ихтияр дакъассар. Масала, инсан уччин най буруча, куну чак къа-битан къабучИссар. Ягу Рамазан зуруй дяхтта садакъа баншиврул кIюлаччатI бачIаву, жижара бан бувкIмий дукралухун буххан бавугу хIарамссар.

Инсан таъзиятрай щяикIаншиврул Исламраву дуссар ккаккан дурсса шартIру:

1. Таъзият буллалисса кIанттай хIарамсса дакъасса тIулли къадаву.
2. ИвкIуманал гъан-маччаминнан цIунилгу къурчIишиву хьунсса задру дакIинил къабутаву.
3. ИвкIуманал гъанминнан захIматшиву къахъуншиврул, мин-



нал къатлуву дукра канан, гъантта бикIан къабучИссар.


4. Лахъну вев-шеш тIий ивкIуманаха аьтIун къабучИссар.
5. Хьиннува лахъисса чIумуй таъзия-трай щябикIан ихтияр дакъассар.
6. Зузисса даврий винмагу цай-миннангу захIматшивуртту дуллан къабучИссар жижара бан багълай бунутIий.

Бачияра пикри баннуча, вай шартIру биттур дуллай бурив хIакьину таъзи-

ятрай? Шариаьтрайн буну, чире бур-мур бавунияр, бунагъ бумур къаби-таву ххирассар, агъамссар. Мунияту, имамтал ва жамятру цачIун хъуну, жижара баву Идавсил ﷺ заманнай бивкIмуниха лацан бан аьркинссар. Аллагънал ﷻ жунма тIайламур тIайламурну, щялмахъмур щялмахъ-мурну ккаккан баннав!

Дагъусттаннал Бусурманнал
Диндалул Идара

Диндалул кроссворд



УрчIайнмай:

1. МухИаммад Идавсил ﷺ ниттил ца.
5. Мадидалул агъулданувасса Идавсил ﷺ асхIабтурайн учайсса ца.
7. Ккарччив марцI дан ишла дайсса аракъ мурхирал къяртта.
9. Кьинилухун ххойлва бан аьркинсса бусурманчувнал бурж.
10. Къуръандалул бутIа.
11. Дунияллий яла даража лаваймур щин.
13. Чаклийн овъчаву.
15. Цалчин «акбар» увкъусса асхIаб.
17. Мизитраву имам ацIайсса кIану.
19. Нитти-буттаха, хъамаличунаха байсса къуллугъ.
21. Къуръандалул мягна дурчIин дуллалис-са аьлимчув.
23. Аллагънал ﷻ къатта.
25. Каши дусса бусурманчувнал бурж.
26. Зума дугъайсса барз.
28. МухИаммад Идавс ﷺ Маккалия Иеруса-лимрайн уцаву.
29. Алжаннаву къуллугъ буллалисса мала-иктурал хъунама.
31. «СубхIанаЛлагъ» увкуну Аллагъ ﷻ кIицI лагаву.
33. Иман мазрай дунугу, дакIниву дакъа-ма.
35. Магъар бишайсса чIумал душнил чулу-хасса вакил.
39. Имам Бухаринал хIадисирттал лу.
40. Буюр.
41. Пайлану Къуръан буккин лахъхьин байсса элму.
43. Цалчинма идавс.
43. Даки хъуншиву.
45. МухИаммад Идавсил ﷺ заманнай гъаза-ват хьусса кIану.
46. Закат булун аьркинсса хъуслил даража.

Ялавай:

1. Рукнурду.
2. Жами бувсса идавс.
3. Рамазан зуруй хъатIан чаклил хъирив байсса суннат-чак.
4. Аллагънаясса чире, ажру.
6. Диндалул ца ттарцI.
8. Чакливу жамятрал хъхьичI ацIайма.
12. Аьрафалул хъирив хIажитал шанма гъантлий бацIайсса кIану.
14. Дунияллул хъиривсса оьрму.
16. Къиямасса кьини циняв халкъ батIинтIисса майдан.
18. Къиямасса кьини дучIаннин инсан-турал рухIру дикIайсса кIану.
20. Аллагънал ﷻ цIардаваса ца цIа.
21. Бусурманнал календарьданул барз.
22. Къябалул лагма уккаву.
23. МухИаммад Идавсил ﷺ зиярат бусса шагъру.
24. Къуръандалува кIицI лавгсса идавс.
27. Чакливу чара бакъа кIучI бан аьр-кинсса чурххал базурду.
30. Чаклин иссайни бакIрайх атилсса ка дуккаву.
31. Аькьидалул элму.
32. Инсантурал ва жиндардил паччахIну ивкIсса идавс.
34. Цинявпагу бусурман агълу.
35. Диндалул назму.
38. Эбадатраву хъхьичI-хъирив, низам даву.
37. Бунагъирттая пашман хъуну, ЗанначIан ﷻ кIура аяву.
40. УрчIра шиная Идавсиа ﷺ къуллугъ буллай ивкIсса асхIаб.
42. Аллагънал ﷻ хьинну захIматсса цIуцIаву дуллуну ххал увсса идавс.
43. «Бутта» аьраб мазрай.

Сакин дурссар З. Оьмаровал

Тгун бавссар лас ва шарсса ца шинай архlал яхъанай къабивкlхъурча, миннал магъар зия шайссар тlий. Му тlайлассарив?

Лас шарссанищал акъа ттуршра шин хъурчагу, миннал магъар цивнува цуппа цукунчlав зия къашайссар.

Чак бувну махъ ца-цавайннал къяпагу бувкун бакlрайх ках учай. Мунин хlучча-далил буссарив Исламраву?

Анаслул ﷻ бувсун бур: «Мухlаммад Идавсил ﷺ чак бувну махъ бакlрайх кагу дурккун, ва дуаъ дуккаjва: «Бисмил-лагъи ллази ла илагъа илла гъува-р-рахlману-р-рахlим». (Пабарани, аль-Баззар).

Имамнал хъирив кlюрххил чак буллалиманал «магъдина» цукун дуккин аъркинссар?

Имамнал хъирив чак буллалиманал «Фа иннака такъзи» тlисса кланайн бияннин «амин» учайссар. Гания гихунмай «настагъфирука» тlисса кланайн бияннин имамнащал архlал дуккаjссар. Ялагу салаватрайн бияннин «амин» учайссар, салават имамнащал архlал дуккаjссар. Салаватрал хъиривса дуаъ дурккуну «амин» учайссар. (Фатхул Аьллам)

Хlатталлив зияратрай лавгукун ци дурккуну хъинссар?

Хъунисса аьлимтурал луттирдаву увкуну бур, гъарца нюжмар кьини нитти-буттал гъаттардийн занай «Ясин» буккаjманан му суралува цими хlарп дурив, миксса бунагъру багъишла битайссар, куну. «Аятуль-Курсий» бувккуну, муниясса чири хlатталлив бувччуминнан булурча, Аллагъу Тааьлаланал циняр хlатталливсса гъаврду нурданул чанна лахъан дайссар. «Ясин» бувккуну мунил чири хlатталлив бувччуминнан булурча, миннал аъзав чан шайссар, му бувкуманангу чlярусса хъиншивуртту дулайссар. Мунияту вай кlицl лавгсса сурарду буккирча хъинссар. Ми къакlулманал «Альхlам», «Къулгъу», «Фалакъ», «Нас» буккинссар.

Цими шинавун ивукунни инсаннал цалва бунагъиртах жаваб дулайсса?

Мунил хlакъираву хlадисраву увкуну бур: «Шамуннал бунагъру къачичайссар: шанашиманал, балугъравун къависса оърчlал, бакlрал сакъатманал». Муниятур балугъравун ивманай чак-зума ва цаймигу диндалул тlалавшиннарду ялув шайсса, мунайн «мукаллаф» учайссар. Гъарцаннал цахлура жаваб дулунтlиссар, амма буссар цайминнахлу жаваб дулунтlимийгу: имам – цала жамятрах, адимина – цала кулпатрах, паччахl – цалва агъалинах.

Хъуруннайн пара бичаврия Шариаьтраву ци увкуну буссар?

Шариаьтрайн бувну, хъу дугълагъисса чlумал пара ишла баврин къадагъа дакъассар, хlалалссар. Амма пара нажасъсса бунутlий, ми машан ласун ягу баххан ихтияр дакъассар.

Дахъва бувсса оърчl мукъцlалва гъантlий къатлува къатlун буккан бан къабучlиссар тlун бикlай. Буссарив диндалува мукун тlий.

Хасну мукъцlалва гъантlий къатлува къатlув уккан ан къабучlиссар тlий диндалува бакъар. Амма дахъа увсса оърчl заевсса икlайнутlий, ганал чурх къанкъа хъуннин къатlув уккан увну къахъинссар.

Ламуйх нанисса чlумал цукунсса дуаъ дуккаjссар?

Ламуйх нанисса чlумал салават дуртун хъинссар. Яла ссиратlрал ламугу дакlнин бувтун, «я Аллагъ, ва ламуйх куна бигъану на Ссиратlрайхгу лахъан ува», - учайссар.

ДУАЪ

КЪАШАВАЙМАНАХ
УРГАН ЛАВГУКУН УЧА:

Асьалу-Ллагъаль-аъзима Раббаль-аършилль-азими ан яшфия-ка

Жула Мухlаммад Идавсил ﷺ хlаж ва оьмра цимил бувссар?

Идавсил ﷺ цал хlаж бувссар, мукъилва оьмра бувссар. («Фикъгъуль Мангъаж»).

Хъатlан чаклил чlун та къуртал шайссар?

Хъатlан чаклил чlун дикlайссар кlюрххил чаклил чlун дучlаннин.

Бакlрай тlакъа ягу къяпа бишаву суннатссар тlун бикlай. Муния чув чивчуну буссар?

Адиминал бакlрай тlакъа дишаву суннатссар. Идавсил ﷺ оърмулия бусласисса луттирдаву чивчуну бур ганал мудан бакlрай тlакъа дишайсса диркlшиву. Ялагу увкуну бур, Идавс ﷺ ва дуниятlлия лавгукун, цалла хъирив ганал мукъра тlакъа къадиртшиву. Исламрал фикъгъилул (юриспруденция) луттирдаву увкуну бур, бакlрай зад дака чак баву къахъинссар тlий. Тlакъа хъанахъиссар бусурманчувнал лишан. («Фазаилул хlабиб», «Нурул Оьюн»).

Ца-цавайннал хlатталлив бувкlукун цала маччаминнал гъаттардийн пиринж ягу кканпитlру дичай. Исламраву мукун бан ккаккан бувну буссарив?

Укунна кканпитlру ягу пиринж бичаврия цукунчlавсса хайр бакъассар. Ми пиринж букан бучlайсса лелуххантрал гъаврдугу чапал дуллалиссар, му исрапшивугу хъанахъиссар. Хъхъичlа заманнай диркlун дур аьдат, инсан цала гъан-маччаминнал гъаттайн увкlукун, гъаттай садакъалун дукия дишайсса, гичча мискинтурал ласуншиврул ва ганаха дуаъ даншиврул. Цанасса заманнай гъаттая кканпитlру ласун цучlав къаучlанссар, мунияту садакъа бан ччиманал гъаттайн къадирчуну, мискинтуран дулача. Мува куццуй, зияратирттай дахlайсса каршив, яндалул парчригу, хъхъичlа заманнай мискинтурал ласуншиврул къадитайсса диркlссар.

Инсан гъаттаву ихълахъисса чlумал ганал сурураву дуаъ чирчусса чагъар бишин бучlиссарив?

Дуаъ чирчусса чагъар бишин бучlиссар, амма Къуръан бишин хlарамссар. Имам Тирмизинал бувсъсса хlадисраву увкуну бур: «Ивкlуманал сурураву хъазамрай «ля илягъа илля Ллагъу вахlдагъу ля шарика лягъу, лягъуль мульку ва лягъуль хlамду, ля илягъа илля ллагъу ва ля хlавля ва ля къуввата илля биллагъиль аьлийиль аъзим» – тlисса дуаъ чивчусса чагъар биширча, ганан гъаттал аъзав бигъа шайссар» - куну.

Рузнама

Март

Кьини	Кlюрххил чак	Баргъ букваву	Ахттайн чак	Ахттакъун чак	Маркlачан чак	Хъатlан чак
1	5:47	7:22	13:01	16:06	18:40	20:05
2	5:46	7:21	13:01	16:07	18:41	20:06
4	5:43	7:18	13:01	16:09	18:44	20:09
6	5:39	7:14	13:00	16:10	18:46	20:11
8	5:36	7:11	13:00	16:12	18:49	20:13
10	5:32	7:07	12:59	16:13	18:52	20:16
12	5:29	7:06	12:59	16:15	18:54	20:18
14	5:24	7:00	12:58	16:16	18:56	20:21
16	5:21	6:57	12:58	16:18	18:59	20:24
18	5:18	6:53	12:57	16:19	19:01	20:26
20	5:15	6:50	12:57	16:21	19:03	20:29
22	5:11	6:46	12:56	16:22	19:03	20:31
24	5:07	6:43	12:55	16:22	19:08	20:33
26	5:03	6:39	12:55	16:24	19:11	20:36
28	4:59	6:36	12:54	16:25	19:13	20:38
30	4:54	6:32	12:53	16:25	19:15	20:40

**ХХИРАССА БУККУЛТ!
НАЙ ДУССАР 2014-КУ ШИНАЙНССА "АС-САЛАМ"
ККАЗИТРАЛ ПОДПИСКА.
ККАЗИТ ЧИЧИН ХЪУНТИССАР ЧЧИМУР ПОЧТАЛИЙ ВА
ГЪАРЦА РАЙОННАЙССА ЖУЛ ВАКИЛТУРАЙХЧИН.
ККАЗИТ ЧИЧАВРИЛ ВА БИАН БАВРИЛ ХlАКЪИРАВУ
ОБВЧИН БЮХЪАНТИССАР ВАЙ НОМЕРДАЙН
91-42-22 , 8-988-307-04-03
АЛЛАГЪНАЛ КУМАГ БАННАВ!**

Хlурмат бусса уссурвал ва ссурвал!
Зунма цlуххин ччисса,
Исламрацlун, Шариаьтрацlун,
кулпатрал багъу-бизулуцlун бавхlусса ва цаймигу суаллу
гъан бан бюхъайссар 8-928-580-37-89 номерданийн SMS
– райхчин, ягу 51-85-22 номерданийн оьвкуну цlуххин.
e-mail: assalamlak@mail.ru